




## keis Monaco

Wenn glaubsch hesch d'Mega Citys in Asiä und Amerika gseh, den bisch no ned in Zug gsii. Prigsünstigi Wohnigä überall wo analuägsch. Öb am See oder im ne Park, eifach immer a beschte Lag. I dä Neustadt im nä usäpuzte Büro z'wärcle oder i de Altstadt äs Kaffi i dä Bibliothek mit er ä inhaltliche Zytig gnüsse, am Landsgmeindplatz bi Sunnä äs regionals Bier schlürfä und im neue Drährestrand Zytrurm dä schönschti Sunneuntergang gnüsä. Eifach wunderbar, toll und zugerisch eifach. Halt keis Monaco. Baut wird nur det wos niemert stört und natürlu nur vegan und emissionsfri. Wenn ned meh wotsch wüsse, musch zusätzli dä QR-Code benütze. Scanne wenn weisch was i mein. Somit alles Super in Zug? N... Ned ganz!



## Alt Fry Arbachum

Mir befindet üs im Jahr 2023 n. Chr. Ganz Helvetie isch vo „EUropa“ umzingelt und Helvetie isch faktisch aber sicher normativ bsetzt. Ganz Helvetie? Nei! Es vo unbügsams bevölkeräts Dorf hört ned uf, dä Idringlinge widerstand sleischtä. Majestix, ehemals de Schönsti us Kleinbaarum hed sini Dorfbewohner fest im Griff. Dä Destruktivus wird vom Lager Tugium losgschickt, um a dä Barrierä ä Pfiel richtig Aarbachum schüüse, mit ä rä Nachricht wos in sich hät. Äs neus Schuälhuus vor Arbachums Torä söls gäh. Was ntürlu us sicht vo dä Dorfbewohner ä igriff i suverinität vo Kleinbaarums Bildigsplotik isch. Den doof sie tut erscht weh, wenn mehrs au zwüsse bechund und verstaht und das widerum muss bekantli zerscht vermittelt wärde. Doch mit ä mä nä Schluck Zaubetrunk us Arbachum isch es de Lagerleitig us Tugium glungä die gältende EUropa normative Bildigsvorgabe im gutä Hirtequartier uf am Sportrase umsetze. De Majestix bstellt drufabä bim Gaius Faulus ä neuu Barrierä um sies südliche Ifalstor besser vo EUropa iflüss zschütze. Apropos schütze! Im grosse Kontext isch d'Wält ja bekantli kei Schiibä. Und färn ab vo Alt Fry Arbachum wird a dä Wältornig ghörig grütlät. Putinis, än Art Treujanische Matrjoschkas versuchet s'europätschi Boolwärk us Mozartchugglä und dütschem Reinheits-Bier züberwindä. Südlich birngt üsi Meloni au iri beschtä Römer Legionäre in stellig. Us Galliens Zentrum Lutetia schüüst Chämpis-Artillieri scharf gäge oschtä. Helvetie luegt dem gscheh NEUtral zu und fühlst sich mit Röschtigrabä und Reduit sicher. Den bekantli hed de Suworow jo schon im 1799 i dä Schöllenä dä Packt mit am Tüüfel verlohrrä. Drum passit uf, wenn Grosskozti am Gschichtsbuch vo dä Schuälä umä dreiet. Es git ned immer äs zrugge i Zukunft! Aber das findsch Flux uf ä mä nä andere Bild!